



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 40. S. Satyri Mors.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

Sæculum IV. luisse. Suadet ergo, ne permittat, ut
 A. C. 378. Fidelibus jungantur. Subjungit, sum-
 mam esse sapientiam, leviter non crede-
 re. Nihilominus Constantium vult esse
 facilem ad eos, qui converti volunt, re-
 cipiendos, ne redituros deterreat, &
 quamvis verbis eorum plene non fideret,
 simulare tamen, se fidem iis habere. *Com-
 mendo tibi*, inquit: *Ecclesiam Fori Cor-
 nelii*, quod Imola esse creditur, ut, cum
 vicinus sis, saepe eam visites, donec ibi E-
 piscopus ordinetur. *Labores, quos adve-
 niente quadragesima suscipio, longiora ti-
 tinera prohibent.* Hi labores quadrage-
 simales haud dubie erant instructiones
 Catechumenorum, quibus informandis
 ita insudabat, ut post ejus obitum Episcopi
 quinque obeundis laboribus, quos
 solus tulerat, vix sufficerent.

§. XL.

S. Satyri Mors.

*Admon. in
 Lib. de exc.
 Satyr. Amb.
 pe exc. Sat.
 n. 24.*

Ibid. n. 42.

Circa idem tempus S. Ambrosio fratrem
 suum Satyrum, in quem omnium ne-
 gotiorum temporalium curam deposue-
 rat, mors eripuit. Satyrus in Africam
 trajecturus erat, ut quemdam, nomine
 Prosperum, ad solvendum debitum co-
 geret, qui cum ostentatione, inquit S.
 Ambrosius: *letabatur, me suscepisse Sa-
 cerdotium, credens ob hanc conditionis
 mutationem retinere posse, quod mihi ab-
 stulerat.*

stulerat. Satyrus tempore hyemali ve-
 tus navigium conscendit, atque naufr-
 gium passus, extremum vitæ periculum
 subiit. Necdum erat baptizatus, & im-
 minenti periculo, ne SS. Mysteriis, id est
 Evcharistia, penitus privatus moreretur,
 hanc petiit a Baptizatis, cum vero illam
 ab aliis quam Fidelibus baptizatis con-
 spici nefas esset, voluit, ut involveretur
 orario; erat autem orarium, quoddam
 longum sudarium, quod more illius tem-
 poris Romani in collo gestabant; tum
 acceptum sudarium cum Evcharistia cor-
 pori composuit, & in fluctus insiliit, ne
 quidem asserem requirens, cui utcumque
 incumberet; tamen primus evasit in lit-
 tus. Ex hac narratione videmus, Chri-
 stianos in profectionibus Evcharistiam
 secum portasse, & ab ea in periculis tu-
 tamen sperasse. Satyrus huic periculo
 ereptus, credidit Sacramentum, quod sibi
 conjunctione externa tantum profuisset,
 multo utilius fore, si intra se sumeret, &
 sine mora baptizari voluit; ergo loci E-
 piscopo accersito, ut fidem ejus probaret,
 interrogat, an cum Episcopis Catholicis
 communicaret? id est, cum Ecclesia Ro-
 mana? (*) Ita loquitur S. Ambrosius, a
 quo totam hanc narrationem habemus.

Sæculum IV.
 A. C. 378.

v. Greg. III.
 Dial. c. 36.

n. 46.

n. 47.

Mm. 2 In-

(*) Semper hoc Nomen Orthodoxos ab Hæ-
 reticis distinxit.

Sæculum IV. Intellexit Satyrus hanc Ecclesiam schif-
 A. C. 378. mate Luciferiano a Catholica esse sepa-
 ratam. Hinc conjicitur, ipsum ex-
 titisse in Sardinia. Maluit secunda vice
 se mari committere, quam a manibus
 Schismatici baptizari, quamvis huic
 Schismati nullus in fide error esset con-
 junctus. Ubi in terras Catholicorum
 n. 48. pervenit, recepit Baptismi Gratiam, quam
 usque ad mortem conservavit. Conti-
 nentiam quoque servandi habebat pro-
 positum tam secretum, ut id suum fra-
 trem celaret. Ex hac profectioe rever-
 n. 17. 19. sus, Mediolani inter S. Ambrosii, & S. Mar-
 cellinæ amplexus obiit, & quidem, ut
 eis liberam de bonis suis disponendi re-
 linqueret facultatem, intestatus. Ipsi
 III. 59. n. 59. non Dominium sibi, sed tantum dispen-
 sationem concessam rati, omnia, a defun-
 cto relicta, dederunt pauperibus. S. Sa-
 tyri exequiæ cum solemnitate celebratæ,
 ejusque orationem funebrem S. Ambro-
 n. 78. sius pronuntiavit, corpore omnium ocu-
 lis exposito. Die septima rediere ad se-
 pulchrum, ut ibi preces solitæ ageren-
 tur, & S. Ambrosius altera vice dixit ad
 populum, docens, si nobis charissimos
 mors rapuerit, solatium ex fide Resur-
 rectionis capiendum. Ecclesia S. Satyri
 Mart. Rom. memoriam 17. Sept. agit.